

Maart 17, 2020

www.awemainta.com

www.facebook.com/awemainta

noticia@awemainta.com

583-1400



# AWEMainta


## UN NET GRANDI NA ALTURA DI WARIRURI SACA FOR DI LAMAN



**PUNTO** di sosten di Guardacosta na Aruba a haya diadomingo ultimo den oranan di mainta e informacion cu na Noord-Kust tin un net grandi y masha pisa den awa.

E net aki ta forma un peliger grandi pa morocoinan, y pa varios otro pisca. Por a nota algun di nan ya pega den e net aki.

Guardacosta a dicidi di manda su Metal Shark pa Wariruri, unda nan a logra di saca e net aki, cu lo wordo destrui unabes bek na tera.



**INVEST  
SECURE**

*We don't just say it ... We Guarantee it !!!*



*Nos ta ofrece tranquilidad,  
protehando nos comunidad.*

Pa mas informacion yama 582-7252

La Poderosa, Carolina di Patruya #37:

## “Soy Libre”, esaki tabata su palabranan, despues di a sali for di Corte



**DIALUNA** den oranan di merdia, tabatin un caso den cual e conocida Naduiska Santana Marques, alias La Poderosa, Carolina di Patruya#37, a sali cu un smile riba su cara, despues cu e mester a presenta dilanti Hues Comisario pa toets si su detencion ta cumpli cu ley. E dama aki tabata acompaña pa un otro dama mas, ambos mester a presenta.

Mas tempran e van di Guarda Nos Costa a trece e conocida dama aki na Corte di Husticia y despues cu el a presenta dilanti Hues Comisario. El a wordo transporta bek pa Guarda Nos Costa.

Prensa den prome instante a trata di tuma contacto cu sra. Trudy Hassel, pero no a logra pa motibo cu sra. Hassel tabata den un reunion, pero un rato despues prensa a haya un voicenote cu tur e informacion correcto.

Na yegada na Guarda Nos Costa, La Poderosa a baha cu un smile grandi di oreo pa oreo gritando “Sali libre”. Nan detencion no tabata corecto, segun Huez Comisario, pasobra na momento di nan detencion, nan tabata na Aeropuerto caba pa bandona Aruba, no pa Venezuela, pero pa Colombia.

Esaki tabata pa motibo cu a detene nan na Aeropuerto pero no ta biahando pa Venezuela pero un otro destinacion.

Huez Comisario a muestra cu e detencion haci y e encarcelacion no tabata hustifica, pero Huez Comisario a sostiene e ordo pa expulsanan riba e proximo siguiente avion. Pero como frontera ta sera, no tin avion pa hiba nan ningun parti, e ordo a keda vigente, ta ora cu posibilidad presenta. Pa Trudy Hassel, esaki tabata loke e kier, pesey el a opera asina, y a logra su meta, esta e damanan aki hamas y nunca lo por bolbe Aruba.

E damanan aki nan peticion pa asilo a wordo nenga y mester bay for di Aruba. La Poderosa, Carolina di patruya #37, no mester keda deteni mas, cera den un cel na Guarda nos Costa, pero Carolina di patruya #37, La Poderosa etc. mas liher posibel lo mester bandona Aruba y pa por lo pronto no por regresa mas.

**E meta principal di e detencion di e damanan aki tabata pa nan wordo expulsa mirando e daniñonan ocasiona na Aruba y tambe nan a burla di Gobierno y autoridad.**



# EDITORIAL



## Gobierno efectivo contra virus, pero tin cu traha riba plan di recuperacion

*Pa: Victor (Toko) Winklaar*

**ORA** cu papia di grupo vulnerabel no necesariamente ta papia di e grupo cu e corona virus lo por afecta seriamente, pero den e situacion cu nos pais a lanta dialuna mainta despues di e di dos medidanan implementa pa Gabinete Wever Croes, tin otro gruponan cu lo wordo afecta p'e decisionnan aki.

Esaki ta den e sector laboral caminda ya for di den fin di siman, tin expertonan a cuminsa papia di retiro na gran cantidad den diferente sector laboral, entre otro den e sector turistico.

Sin embargo esaki ta conta tambe p'e sector comercial, sector di aviacion y e sector di horeca caminda ta spera un caida grandi den actividadnan.

Ya caba cu e decision di cancela por ehempel e Festival di Himno y Bandera diasabra ultimo, a crea un problema pa hopi di esnan cua prepara cuminda y cos dushi pa haya un bon entrada diasabra anochi riba Plaza Betico Croes.

Hopi a keda pega cu nan cuminda, sin forma pa recupera e gastonan haci, mientras cu tin algun a haci un esfuerso pa bende esaki den circulo famia y conocirnan, pero no ta tur por a haci esaki.

Esaki ta conta pa tur esnan cu a prepara p'e actividadnan publico cu tabatin den tur barrio rond Aruba pa loke ta Dia di Himno y Bandera cu ta mañan 18 di Maart, pero cu awor a wordo prohibi pa motibo di aglomeracion di hopi hende hunto cu ta forma un posibilidad p'e virus plama su mes.

Aki tambe tin hopi hende y clubnan a prepara nan mes pa bende sea cuminda of otro cosnan caminda ya den fin di siman caba henter e programa di drag na Palo Marga, a pone cu containernan di auto for di Corsou a bin por nada ya cu nan no por competi. Asina por sigui menciona cantidad di otro actividad cu sea scol, clubnan social of deportivo cu a mira e Dia di Himno y Bandera como un posibilidad pa yega na placa, awor ta para man bashi y cu gastonan cu nan lo no por cubri bek ya cu nan no por bende riba e dia aki.

Den proximo dia- y simannan por spera mucho mas di e situacionnan aki y caminda e sector laboral, lo bay confronta situacionnan cu nunca antes nan a conoce.

Un factor cu lo bay afecta hopi trahador aki na Aruba, principalmente e grupo cu ta gana nan salario pa ora, nan lo mira nan oranan di trabou wordo reduci caminda menos placa lo drenta y den varios caso lo tin grupo cu lo wordo manda cas sin cu nan por tin algo pa cay di ariba of haya recompensa p'e retiro aki.

Mark Rutte, Prome Minister di Hulanda ayera den su mensahe a duna di conoce cu lo paga cada persona cu keda cas 359 euro.

Den e periodo aki lo ta na su lugar pa Departamento di Labor hiba un control riba grandura di e grupo aki, cu ta trahando a base di 'uurloon' y caminda mayoria di e trahadornan aki, ta cobrando tin ora bon e e minimumloon cu nos conoce aki na Aruba. Den sector publico tin un otro situacion ya cu na momento cu departamentonan di Gobierno manda trahadornan cas, of reduci nan orario di trabou, e funcionarionan aki ta sigui cobra nan salario completo manera tanto den e sector di enseñansa como otro sectornan di Gobierno.

Pa loke ta trata e sector hotelero aki tambe ta spera cu hopi hende lo wordo manda cas pa motibo cu hotelnan lo no ta yen por lo pronto y lo no tin mucho cos pa haci y aki tambe tin cierto incertidumbre cu ora cu e situacion aki cambia, hopi di nan lo no wordo yama bek y eyan tambe mester tin un control p'asina e trahadornan no wordo manipula y nan derecho wordo negligia.

Gobierno di Aruba a converti su mes den e prome Gobierno cu ta actua asina rapido riba e crisis ocasiona pa corona virus, ya cu den menos di 48 ora despues cu a bira conoci cu dos hende a test positivo p'e virus aki, a bay over na un shut down practicamente completo. Hopi otro pais no a haci esaki cu asina hopi rapides y por mira e consecuencianan di esaki caminda a tuma un decision asina, ora cu e crisis a aumenta den cuestion di algun dia y bira algo hopi serio mes.

Gobierno awor mester bay over na realisa cu e desaroyo aki no por wordo carga solamente p'e coalicion actual, pero mester cuminsa dialogo nacional, cu tur gremio involvi pa cuminsa traha riba e Plan di Recuperacion, caminda tur instancia ta duna nan opinion y nan aporta na henter e proceso di recuperacion aki, n'e momento preciso cu esaki lo bay yega.

Ya caba por a scucha palabranan di Prome Minister Rutte di Hulanda bisando cu e crisis aki lo por duna lunanan largo prome cu e ta bou di control y e consecuencianan financiero lo presenta otro perspectiva financiero pa nos pais y simplemente esaki no ta algo pa Gobierno so bay carga.

Mescos cu a muestra efectividad na tuma medida y percura pa un lockdown asina rapido, ta na su lugar pa Gobierno y gremionan cuminsa reuni mas pronto posibel cu tur instancia concerni, pa trata di yega na un Plan di Recuperacion mas efectivo posibel pa futuro.

# KvK ta sostene e decision di Gobierno pa cera frontera pa yuda preveni e corona virus

Camara di Comercio y Industria Aruba (KvK) ta sostene Gobierno di Aruba y su decision pa cera frontera pa pasaheronan (cu excepcion di residen-tenan di Aruba) p'asina yuda contene e COVID-19 (Corona Virus) a base di e situacion delicado cu Aruba tambe ta wordo confronta cune.

Esaki ta un decision dificil cu tin un impacto grandi riba nos economía, pero necesario p'e bienestar di e pueblo.

Nos tur hunto lo mester yuda otro pa nos surpasa e consecucionan. KvK ta y ta keda den contacto cu Gobierno pa yuda conseha pa proteha e economia di Aruba. Gobierno a urgi pa pueblo tuma pasonan pa preveni cu e virus sigui plama. Alabes ta pidi pa sigui e consehonan di cuida necesario cu ta inclui pa purba mantene na e distanciamiento social.

KvK ta opina cu e ta importante pa pueblo en general y comercio di Aruba purba sigui e conseho di Gobierno manera Minister Presidente a informa den un rueda di prensa diadomingo anochi ultimo y tuma e pasonan di higiena necesario e.o. pa tur negoshi tene nan lugar limpi, desinfecta y pone hand sanitizers disponibel p'e cliente.

KvK ta pidi pueblo pa tuma e puntonan di preven-cion na serio y keda alerta pa sintomanan di e COVID-19. Mantene contacto minimo cu publico.

KvK lo sigui informa pueblo y atende cu tur pregunta y peticion cu por tin. KvK lo keda den dialogo cu Gobierno riba e topico aki y ta keda monitor e situacion y su impacto pa cu e necesidad di comercio en general.

KvK ta tuma medidanan en conexion cu COVID-19

## KvK lo sigui duna servicio, pero limitando e contacto fisico

Camara di Comercio y Industria Aruba (KvK) kier informa cu en bista di e situacion delicado cu Aruba ta wordo confronta cune a causa di e COVID-19 (Corona virus) for di awe te cu dia 31 di maart, KvK ta haci algun cambio den e forma di duna servicio na publico.

KvK kier evita aglomeracion y contacto fisico cu posibilidad di contacto cu persona cu por tin simptomnan di e virus. KvK lo limita su servicio pa publico. P'e periodo menciona KvK lo no brinda servicio na balie na publico. Tur e servicionan di KvK lo bay ta disponibel via e opcionnan digital cu KvK ta ofrece.

Te cu dia 31 di maart KvK lo atende cliente solamente via su portal MyChamber, e-mails y telefon. KvK ta mantene e situacion aki te cu proximo aviso. Tur servicio di KvK ta disponibel via e portal MyChamber cu ta accesibel via [www.arubachamber.com](http://www.arubachamber.com). Via MyChamber por maneha tur registracion y cambionan di bo negoshi.

Pagonan por wordo haci cu creditcard, online of den forma di un bank transfer.

Banda di esaki por semper contact KvK via 582-1566 y [info@arubachamber.com](mailto:info@arubachamber.com).

# La Cabana a celebra International Operator Day



E PBX Team a celebra Telephone Operator Day recientemente na La Cabana Beach Resort & Casino, na unda cu e team a wordo reconoci por medio di miembronan di gerencia pa tur nan trabao duro y dedicacion.

E team tambe a wordo premia cu un bunita areglo di mata y cupcakes, felicitando nan pa nan excelente trabao manera operadornan, manteniendo un sistema di comunicacion fiho y habri pa henter e resort, incluyendo guests y asociadonan.

Un pabien ta bay n'e PBX Team pa tur nan logro y nan contribucion continuo den e mision di e resort pa crea vacacionnan memorable pa guests y doñonan, danki pa semper ta on-call, semper cla pa enfrenta cualkier reto.



**AWE** **MINI MEGA MEGA PLUS**

Awo cu 2 florin mas, bo por gana e **MEGA PLUS**

\* Afl. **440.000,-**

\* Afl. 340.000,- + Afl. 100.000,-  
extra

f  
Twitter  
Instagram  
YouTube

**lotto**

## Companianan crucero a suspende nan operacion temporalmente

Aruba Ports Authority N.V. (APA) a ricibi informacion oficial cu companianan crucero cu ta sali for di Merca boluntariamente ta suspende tur biahe temporalmente riba peticion di Presidente Mericano Donald Trump.

Lamentablemente esaki lo tin un impacto grandi pa APA y Aruba.

For di diabierna e notificacion oficial di cancelacion a cuminsa drenta na APA y ta premira den curso di comienso di siman cu e otronan lo sigui drenta, entre nan Carnival, Royal Caribbean, Norwegian y MSC.

E duracion di e suspension di nan operacion ta varia entre 30 pa 60 dia te awor y ta spera cu esaki por reanuda mas pronto cu ta posibel.

Minister Dangui Oduber den un comentario duna a bisa “esaki ta un golpi fuerte



y duro pa nos turismo, pero nos por compronde perfectamente e decision aki. Nos economia ta wordo paraliza! Salud di nos hendenan ta bin na prome lugar y p’esey tin comprension pa un decision asina aki.”

Pa Aruba esaki ta nifica cancelacion di varios bishita, sigur mas cu mitar di e barconan cu ta yega Aruba ta di e tres companianan ya menciona.

Gerencia di APA tambe tin comprension p’e medida aki tuma y ta reuniendo internamente y cu partnernan strategico riba e situacion. Pa loke ta otro medidanan, den forma diario ta atende cu e tema di coronavirus, tanto cu su empleadonan como cu partnernan di e sector aki.

Ta haciendo tur cos segun protocol di DVG y WHO pa sigura cu ta limita presencia di coronavirus na Aruba.

Gerencia ta dunando apoyo na tur medida tuma dor di Gobierno pa sigura e bienestar di nos isla y tambe ta elogia tur departamento y instancianan cu ta trahando duro dia y nochi pa contene e virus aki.

Manera Minister Oduber a bisa “e crisis aki ta uno dificil cu nos tur hunto como pais mester bay deal cun’e. Ban nos tur yuda otro, ban cuida otro y ban muestra nos convivencia pa por sali di e crisis aki mas pronto cu ta posibel,” Marc Figaroa, Managing Director di APA a comenta.



CENTRALE BANK VAN ARUBA

### BEKENDMAKING

Ingevoege artikel 8 lid 1 van de Landsverordening toezicht geldtransactiebedrijven (AB 2003 nr. 60) Ltg) maakt de Central Bank van Aruba (CBA) heerbij bekend dat zij bij beschikking d.d. 30 januari 2020 de inschrijving van Global Exchange Aruba N. V. ex artikel 3 lid 2 van de Ltg op diens verzoek in het register van geldtransactiebedrijven, bedoeld in artikel 3 lid 1, van de Ltg heeft doorgehaald.

Oranjestad, 13 maart 2020

# Respaldo ta keda brinda sosten y servicio na su clientenan

Tumando na cuenta restriccionnan di Gobierno te cu 31 di maart 2020

**RESPALDO** kier informa cu ta efectua precaucionnan necesario pa cu e Coronavirus (COVID-19) den cada un di su departamentonan. Respaldo te keda brinda su servicio na su clientenan tumando na cuenta e precaucionnan cu Gobierno di Aruba a implementa te cu 31 di maart 2020. Esaki mas cu claro pa contra-aresta y evita mas persona traspasa of contrae e Coronavirus.

Pa motibo di precaucion Respaldo ta implenta un protocol di restriccion pa cu bishitante y clientenan na Clinica, Policlínica, servicio ambulatorio como tambe su oficinanan.

## CLINICA RESPALDO

Pa Respaldo Clinica lo institui un 'Non Visitors Policy' te cu 31 di maart 2020. Bishita pa clientenan na Clinica ta wordo re-emplaza pa yamada telefonico.

## Departamento di Dagbehandeling/ Dagbesteding

Departamento di Dagbehandeling/dagbesteding lo ta te dia 31 di maart solamente telefonicamente disponibel.

## POLICLINICA RESPALDO

Consultanan existente na edificio di Policlínica ta wordo re-emplaza pa consulta telefonico.

## FACT-TEAMS RESPALDO

Respaldo lo evalua diariamente e situacion di e clientenan y basa riba e urgencia lo atende clientenan na nan cas. Tur bishita necesario lo keda tuma lugar. Prome cu e bishita lo tuma contacto telefonicamente pa evalua e riesgo di un posibel infeccion.

Respaldo ta mantene tur liña di comunicacion habri pa mantene su servicio di calidad y yuda mas hende posibel.

Pa cualkier pregunta por tuma contacto cu e number general 281 5000. Tambe por tuma contacto cu Respaldo via e siguiente numbernan di celular y/of por manda un mensahe di whatsapp:

Policlinica Respaldo: 592 5658 / FACT-Teams Respaldo: 563 8405 / Dagbehandeling & Dagbesteding: 568 8488 / Management: 699 0947 of por manda un e-mail via [info@respaldo.aw](mailto:info@respaldo.aw).

Den caso di emergencia acudi na Eerste Hulp (teniendo na cuenta e protocol di Hospital). Y den caso di peliger tuma contacto cu Cuerpo Policial.

Nos kier motiva tur hende pa tuma e precaucionnan necesario pa keda saludabel. Sigui nos Facebook Page pa mas informacion y tips con pa bo por surpasa e momentonan di crisis aki.



## Yrausquin: explore the fun of driving!

Yrausquin has premium brands, state-of-the-art Body Shop, Quick Lane®, quality Motorcraft® batteries (100-month warranty), certified technicians and... Fun Miles!

- Save Fun Miles with all your parts purchases
- Redeem your Fun Miles for parts, including service and Body Shop parts

   | [funmiles.net](https://www.funmiles.net)



 YRAUSQUIN



**AVISO****PRIKPOST LABHOH**

Den cuadro pa minimalisa contagio di COVID-19  
TUR nos prikpost nan ta cera for di:


**dialuna, 16 di maart te cu  
diabierna, 27 di maart 2020**

Lo atende solamente pashentnan di caracteristica  
di urgencia na e prikpost situa na Hospital.

Masha danki pa e cooperacion!



**LABHOH**  
Fundacion Servicio Laboratorio Medico Aruba



## STATEN VAN ARUBA

Met betrekking tot het schrijven van de Minister van Algemene Zaken, Integriteit, Overheidszorg Innovatie en energie d.d. 14 maart 2020 inzake instelling van een werkplan in verband met de heersende situatie betreffende de Coronavirus, deelt de Staten van Aruba inzake haar verdere bedrijfsvoering het volgende mede:

Intern zijn er afspraken genomen om de aanpak, voorkoming van de verdere verspreiding van het coronavirus, maar bovenal de bescherming van het welzijn van het personeel der Staten van Aruba, te verwezenlijken. Deze afspraken gelden tot 31 maart 2020.

- Het Statengebouw zal voor het algemeen publiek tot aan voornoemde datum niet toegankelijk zijn. Persoonlijke afspraken zullen niet gemaakt worden dan wel telefonisch of digitaal afgehandeld worden.
- Eventuele Openbare Vergaderingen zullen zonder publiek plaatsvinden. Nadere invulling van de handelwijze van Openbare Vergaderingen zal, in overleg met de Voorzitter der Staten en leden van het Senioren Convent, nader worden bepaald.
- Commissievergaderingen en eventuele bijeenkomsten worden tot voornoemde datum tot nader order uitgesteld.
- De Staten van Aruba blijft operationeel, zij het met aangepaste werkschema's voor haar personeelsleden. Het publiek kan te allen tijde de Staten van Aruba bereiken via telefoonnummer: 528- 4680 en via email: [info@parlamento.aw](mailto:info@parlamento.aw)

Hoogachtend,  
Herman Ch. J. Hek  
Griffier der Staten van Aruba

# Aduana tambe tin limitacion di servicio

EN conexion cu e situacion actual di e Corona Virus (COVID-19), medidadan di precaucion y prevencion lo ser tuma na Departamento di Aduana.

E precaucion tuma y e limitacion di servicio cu un capacidad minimo na dicho departamento a inicia for di dia 16 di maart ultimo y lo dura te cu 31 maart proximo.

Aki ta sigui e sigiente informacion cu ta di sumo importancia: Seccion Stad/Vrijmaking, seccion Aeropuerto/Cargo y seccion di Waf.

E declaracionnan di Aduana di carga frieu y di prome necesidad, tambe carga vital destina pa por ehempel Hospital, WEB etc, lo wordo procesa via di e sistema,

Despues cu esaki wordo procesa e broker lo haya un aviso con e entrega di e carga lo tuma lugar; E declaracion di tur otro carga lo wordo procesa ora e situacion normalisa.

Servicio di containers na containerpoort lo ta for di 7.30 or pa 12 or di merdia y na Vrije-zone for di 8 or pa 12or di merdia.

Lo evalua carga cu tin urgencia: E broker tin haci peticion pa un "Fiat" y dirigi esaki via e-mail p'e Hefe of Hefe suplente di e respectivo seccion.

Ta pidi pa tene cuenta riba carga cu ta rekeri un permiso di importacion. Mester manda e permiso di importacion di e instancia concerni hunto cu e peticion.

Pa peticion di carga cu tin derecho pa riba "Vrijstelling" (exoneracion), e cliente por haci esaki on-line.

Pa cualkier otro pregunta of mester di cualkier otro informacion por manda esaki via email di contacto [info@douane.aw](mailto:info@douane.aw).



## KEURMENTO CANCELA

**N.V. Elmar ta participa cu tur sorto di “keuring” ta wordo cancela te cu 31 di maart 2020.**  
Den caso di cualkier eventualidad, por tuma contacto cu e Departamento di Planning via e-mail [mirlanda.maduro@elmar.aw](mailto:mirlanda.maduro@elmar.aw)

Tambe N.V. Elmar ta participa cu durante e periodo ariba menciona, Departamento di Planning lo no atende cu ningun “installateur” personalmente, solamente via telefoon of e-mail ariba menciona.



*Danki pa e comprension*

523 7100 | [customerservice@elmar.aw](mailto:customerservice@elmar.aw)

# Gabinete di Gobernador ta informa

EN coneccion cu e Coronavirus, e horario di consulta sin cita previo di e Departamento Consular ta wordo suspendi entrante awe. Departamento Consular ta solamente accesible pa casonan di emergencia cu tin di haber cu biahenan necesario.

Den caso asina, mester haci un cita telefonico cu un empleado di Departamento Consular via e siguiente number di telefon: 583-4445.

E medidanan aki ta wordo aplica te proximo aviso. Pa mas informacion bo persona por comunica cu number di telefon 583-4445 of via email na:

[consulair@kabga.aw](mailto:consulair@kabga.aw)

## NOTIFICACION

Nos ta sostene e mandato di Gobierno di Aruba pa mantene “Social Distancing”, Aruba Bank N.V. ta acepta un cantidad limita di publico na su sucursalnan na Camacuri, Hato, San Nicolas y Mainstreet.

Nos ta urgi nos clientenan pa haci uso di nos servicionan via Contact Center na 527-7777, Aruba Bank Online, Aruba Bank App, y servicionan via Drive Thru y Self Service.

Nos comunidad ta na prome lugar. Danki pa e comprension.

Bishita [www.arubabank.com/corona-news](http://www.arubabank.com/corona-news) pa mas informacion.

### NOTIFICATION

In support of the Government of Aruba to urge “Social Distancing”, Aruba Bank N.V. will be limiting the amount of customers coming into the branches at once at Camacuri, Hato, San Nicolas, and Mainstreet.

We urge our customers to use services available via our Contact Center at 527-7777, Aruba Bank Online, Aruba Bank App, and/or services via Drive Thru's and/ or Self Service areas.

The health of our community comes first. We thank you for your understanding.

Please visit [www.arubabank.com/corona-news](http://www.arubabank.com/corona-news) for frequent updates.



# CENSO a implementa su medidanan di prevención

PRODUCTO	SERVICIO
acta di nacimiento (registracion di baby)	servicio entre 09:00 te 13:00 or. Pls. laga bo baby recién naci na cas!
acta di fayecimento	servicio entre 09:00 te 13:00 or.
matrimonio	Censo lo tuma contacto cu e parehanan cu lo casa te cu 31 di maart 2020. Si nan ta desea di sigui cu e matrimonio, Censo lo permiti max. <b>10</b> persona den sala di casamento!
Ondertrouw/duna man	Censo lo tuma contacto cu e parehanan cu tin cita te cu 31 di maart 2020.
Registración di divorcio	Censo lo registra solamente e divorcionan di cua e termino di 6 luna pa registra lo caduca prome cu 31 di maart 2020.
Cambio di adres	Solamente servicio online: <a href="http://www.censo.aw/main/adreswijzigen/">http://www.censo.aw/main/adreswijzigen/</a>
Uitschrijving-mudamento pa exterior	Solamente servicio online: <a href="http://www.censo.aw/main/uitschrijving/">http://www.censo.aw/main/uitschrijving/</a> Pa e persona cu ta muda dentro di Reino, pls no lubida di pone number di telefon pa Censo por tuma contacto cu bo persona pa busca verklarung uitschrijving.
Registracion como residente di Aruba	Solamente servicio via mail: Manda copia di tur documentonan via e siguiente e-mail: <a href="mailto:Janelis.werleman@censo.aw">Janelis.werleman@censo.aw</a> y <a href="mailto:Charlene.quant@censo.aw">Charlene.quant@censo.aw</a> . Pls no lubida di pone number di telefon pa Censo por tuma contacto cu bo persona.  Documentonan necesario: <a href="http://www.censo.aw/main/inschrijving/">http://www.censo.aw/main/inschrijving/</a>
Entrega di peticion pa registra matrimonio celebra den exterior	Censo no ta tuma peticion nobo te cu 31 di maart 2020
Entrevista pa registracion di matrimonio celebra den exterior	Censo ta cancela tur cita te cu 31 di maart 2020
Paspoort/ID	Peticion nobo lo wordo tuma solamente si bo persona no tin otro medio di identificacion vigente.  Si bo persona tin paspoort pa busca, pls. tuma contacto cu e siguiente nr. di telefon: <b>5223652</b>
Stamboom	Censo no ta tuma peticion nobo te cu 31 di maart 2020. Si stamboom ta pidi caba, Censo lo tuma contacto cu bo persona ora e ta cla.
Otro documento (papel di Awg. 5,00, verklarung inschrijving, etc.)	Pls. tuma contacto cu e siguiente nr. di telefon 5223676 of 5223652 pa e empleado di Censo evalua e urgencia di bo caso.

**EN** conexion cu situacion di Corona Virus (Covid-19), Censo a implementa e siguiente e medidanan di prevencion te cu 31 di maart 2020:

Censo lo duna servicio limita na su clientenan di 09:00 pa 13:00 or. E filial na LG Smith Boulevard lo keda sera. Aki bao bo persona lo haya informacion mas detaya pa cu e diferente productonan.



Pa pregunta nos tin e siguiente nr. di telefon disponibel:  
5223676 / 5223652 / 5223653 / 5223654

Nos ta pidi cooperacion di tur nos cliente pa no bin Censo, si no ta necario. Keda pendiente di nos website y FB-page si tin cambio den e situacion. Danki pa boso comprension. Ban uni tur den e lucha contra plamacion di Coronavirus!

Museo Arqueologico Nacional Aruba cera pa publico

## Tur evento publico ta cancela te proximo aviso

Museo Arqueologico Nacional Aruba (MANA) ta desea di informa publico cu salanan di exposicion di Museo Arqueologico Nacional Aruba ta cera pa publico for di dia 16 di maart te cu dia 31 di maart.

Tur evento publico ta ser cancela te cu proximo aviso. Asina MANA ta cumpli cu instrucion di Gobierno di Aruba relaciona cu COVID 19 - Corona virus y ta haci su esfuerzo pa evita cu lo tin mas espacio unda publico aglomera. Mientrastanto Museo Arqueologico lo haci un limpieza profundo di su espacionan publico p'asina yuda mantene e contagio na un minimo.

Museo Arqueologico lo sigui monitoria e situacion y lo cumpli cu tur instruccion nacional.



Muchanan den categoria 1 a ricibi nan premio:

# Banco di Caribe a entrega premio na muchanan sobresaliente den Festival di Canto Bos Escolar



**DIABIERNA** ultimo Banco di Caribe a haci entrega di premio na ganadornan di Festival di Canto Bos Escolar, edicion 'Cultural'. Manera tur hende sa diadomingo ultimo a tuma lugar e Festival di Canto y muchanan por a participa den 3 categoria.

Categoria 1 tabata pa muchanan di 3 pa 6 aña, categoria 2 pa muchanan di 7 pa 10 aña y categoria 3 pa muchanan di 11 pa 13 aña.

Den tur categoria e scolnan lo ricibi un premio efectivo. Banco di Caribe ta masha orguyoso di por a patrocina categoria 1 den e festival di canto. Sr. Elvin Maduro, Managing Director di Banco di Caribe tabatey diabierna ultimo na Arco Iris Kleuterschool pa haci entrega di e premionan na muchanan den e prome categoria.

Promer lugar den e festival a ricibi un premio di Awg. 1.000, di dos lugar a ricibi un premio di Awg. 750 y tercer lugar a ricibi un premio di Awg. 500.

Banco di Caribe ta felicita tur e ganadornan di Festival di Canto Bos Escolar, edicion 'Cultural' principalmente tur esnan den categoria 1.

Pabien na Kate Ras kende a representa Scol Basico Washington y a resulta na promer lugar, tambe Zoë Orman cu a representa Arco Iris Kleuterschool y a resulta na di dos lugar, Kylie Kelly cu a representa Arco Iris Kleuterschool y a keda na di tres lugar, Vira Richardson kende a representa Mon Plaisir Kleuterschool y a finalisa na di cuarto lugar y finalmente Hailey Koolman cu a representa Imelda Kleuterschool y a keda na di cinco lugar.

Di acuerdo cu sr. Elvin Maduro, Managing Director di Banco di Caribe, nan ta masha orguyoso di por a duna un aporte n'e Festival di Canto di Muchanan Sabi y ta spera cu tur mucha a keda inspira den e trayecto pa sigui desaroya nan talento. Un pabien na tur mucha y na tur esnan cu diabierna ultimo a ricibi nan premio.

Minister Xiomara Maduro a haci

# Apelacion fuerte na comercio pa no usa e momento di crisis como oportunidad pa aumenta prijsnan inecesariamente



**DURANTE** conferencia di prensa Minister di Economia, Xiomara Maduro a haci un apelacion n'e sentido civico y e responsabilidad mutuo cu nos mester tin ora cu un crisis toca nos pais. E mandatario a haci un apelacion fuerte na comercio pa no usa e momento di crisis como oportunidad pa hisa prijsnan inecesariamente.

Gobierno ta bin ta hayando informacion cu tin tienda ta aumentando prijs di productonan di, entre otro, hygienamente. Esaki nan ta productonan cu no ta conoce prijs maximo pasobra nan no ta den canasta basico.

Pero en bista di e abuso cu ta wordo haci, desde diabierna TUR tienda cu ta ABUSA di prijs, nan NUMBER lo wordo EXPONI PUBLICAMENTE p'asina e consumidor por sa na unda ta abusa y na unda NO MESTER BAY HACI COMPRAS MAS.

Si como consumidor bo topa cu abuso, sea asina bon di saca potret y pone e number y manda esaki via e APP Control di Prijs p'asina Departamento Economico por bay over na publica e number. Tambe por expone e abuso riba medianan social p'asina mas consumidor por ta alerta.

For di diasabra control di prijs a wordo intensiva caminda entre 30 pa 35 supermercado a wordo controla, mester bisa si cu un gran mayoria di supermercadonan ta cumpli y tin algun cu ta abusa di prijs cual a wordo exponi publicamente.



## PARTICIPACION IMPORTANTE

Apreciable Cliente,  
En conexcion cu e situation actual di e Virus Convid-19 nos di



ta pidi cooperacion di nos clientenan, pa tuma contacto cu nos via nos mail nan; [noticia@awemainta.com](mailto:noticia@awemainta.com) of [toko@awemainta.com](mailto:toko@awemainta.com).  
Sales via [sales@awemainta.com](mailto:sales@awemainta.com).  
Of via nos telefoon; 583-1400.

Tambe nos ta pidi cooperacion pa por haci tur pago via Online Banking.  
Pago nan por wordo haci via nos cuenta bancario di CMB # 22982600.

Danki pa e cooperacion di semper.

*“NO TIN TERA  
MAS BUNITA  
CU MI ARUBA”*

*Feliz dia di Himno  
y Bandera*



**SETAR**  
Creando Conexion



**Pabien Aruba  
cu celebracion di nos  
simbolonan tan stima,  
Nos Himno y Bandera**




**E & E  
Trading**

**Ta desea henter  
Pueblo di Aruba  
“Un feliz dia di  
Himno y Bandera”**




Aruba nos isla stima. Grandeza di bo pueblo ta su gran cordialidad. Hunto ban sigui mantene nos hospitalidad y amabilidad, y cu nos cada un sigui ta embahadornan di Aruba.

Feliz Dia di Himno y Bandera




**AVIS<sup>®</sup>**

*Feliz dia di  
Himno y Bandera*





Hisa bo Bandera y  
sinti bo orguyoso di  
ta un Arubiano!

**FELIZ DIA** di  
Himno y Bandera.



**INVEST  
SECURE N.V.**

*We don't just say it... We Guarantee it !!!*

# Cancelacion di Concierto Dominical di 29 di maart

**CANCEL**

Comision Organizado di Concierto Dominical "Donny Laclé" ta anuncia, cu a cancela e concierto cu lo a tuma lugar diadomingo dia 29 di maart.

Cu e cancelacion aki e comision ta cumpli cu e medida nan relaciona cu e Coronavirus. Asina situacion normalisa, nos ta sigui cu e concierto nan.

E comision ta desea tur hende un periodo trankil.

Cuida curpa y sostene otro.

**ROBERTSON  
FIRE PROTECTION NV**

L.G. Smith Blvd 150 (Certified Mega Mall) • Oranjestad  
[www.arubafireprotection.com](http://www.arubafireprotection.com)  
TEL. 297-588-1918



Pabien Aruba cu celebracion  
di nos simbolonan tan stima,  
Nos Himno y Bandera.



STATEN VAN ARUBA

**FELIZ DIA  
DI HIMNO  
Y BANDERA**

*Pabien Aruba  
cu nos dia Nacional!*





# DEACI ta anuncia cu lo bay regula extra productonan di necesidad temporalmente



Departamento di Asunto Economico, Comercio y Industria (DEACI) ta anuncia cu den cuadro di e brote global di e coronavirus (COVID-19), lo bay regula extra productonan di necesidad temporalmente.

E siguiente productonan lo bay wordo regula temporalmente:

1. Desinfectante pa uzo personal (hand-sanitizers, alcohol) y domestico (productonan cu ta contene chloor, wipes);
2. Bebidanan cu ta contene elektrolyten;
3. Papel di WC;
4. Ekipo di proteccion (masks, gloves);
5. Bruki pa baby;
6. Baby wipes;
7. Zakdoekjes

P'e motibo ta haci apelacion na tur mayorista cu ta ofrece e productonan aki den mercado, pa manda factura y gastonan di transporte di ultimo carga pa calculacion di prijs maximo pa productonan meniona, dentro di 24 ora.

Por favor manda tur documento digital na [x.boekhoudt@deaci.aw](mailto:x.boekhoudt@deaci.aw). DEACI lo cuminsa haci calculacion di prijs maximo di e productonan special aki y tambe publicacion di esakinan directamente.

A base di articulo 2 y 4 di Prijzenverordening (AB 1991 no. GT 17), Minister di Asunto Economico por exigi documentonan necesario pa calculacion di prijs maximo.

# Orario y servicio adapta di Registro Civil

Registro Civil/ Censo ta informa cu en conexion cu situacion di Corona Virus (Covid-19), a implementa e siguiente medidanan di prevencion te cu 31 di maart 2020.

Censo lo duna servicio limita na su clientenan di 09:00 pa 13:00 or. E filial na LG Smith Boulevard lo keda cera.

Siguientemente por haya informacion mas detaya pa loke ta trata diferente productonan.

PRODUCTO	SERVICIO
Acta di nacimiento (registracion di baby)	Servicio entre 09:00 te 13:00 or. Pls. laga bo baby recién naci na cas!
Acta di fayecimento	Servicio entre 09:00 te 13:00 or.
Matrimonio	Censo lo tuma contacto cu e parehanan cu lo casa te cu 31 di maart 2020. Si nan ta desea di sigui cu e matrimonio, Censo lo permiti max. 10 persona den sala di casamento!
Ondertrouw/duna man	Censo lo tuma contacto cu e parehanan cu tin cita te cu 31 di maart 2020.
Registracion di divorcio	Censo lo registra solamente e divorcionan di cua e termino di 6 luna pa registra lo caduca prome cu 31 di maart 2020.
Cambio di adres	Solamente servicio online: <a href="http://www.censo.aw/main/adreswijzigingen/">http://www.censo.aw/main/adreswijzigingen/</a>
Uitschrijving-mudamento pa exterior	Solamente servicio online: <a href="http://www.censo.aw/main/uitschrijving/">http://www.censo.aw/main/uitschrijving/</a> Pa e persona cu ta muda dentro di Reino, pls no lubida di pone number di telefon pa Censo por tuma contacto cu bo persona pa busca verklaring uitschrijving.
Registracion como residente di Aruba	Solamente servicio via mail: Manda copia di tur documentonan via e siguiente e-mail: <a href="mailto:Jeanelis.werleman@censo.aw">Jeanelis.werleman@censo.aw</a> y <a href="mailto:Charlene.quant@censo.aw">Charlene.quant@censo.aw</a> . Pls no lubida di pone number di telefon pa Censo por tuma contacto cu bo persona.  Documentonan necesario: <a href="http://www.censo.aw/main/inschrijving/">http://www.censo.aw/main/inschrijving/</a>
Entrega di peticion pa registra matrimonio celebra den exterior	Censo no ta tuma peticion nobo te cu 31 di maart 2020
Entrevista pa registracion di matrimonio celebra den exterior	Censo ta cancela tur cita te cu 31 di maart 2020
Paspoort/ID	Peticion nobo lo wordo tuma solamente si bo persona no tin otro medio di identificacion vigente.  Si bo persona tin paspoort pa busca, pls. tuma contacto cu e siguiente nr. di telefon: 5223652
Stamboom	Censo no ta tuma peticion nobo te cu 31 di maart 2020. Si stamboom ta pidi caba, Censo lo tuma contacto cu bo persona ora e ta cla.
Otro documento (papel di Awg. 5,00, verklaring inschrijving, etc.)	Pls. tuma contacto cu e siguiente nr. di telefon 5223676 of 5223652 pa e empleado di Censo evalua e urgencia di bo caso.

Pa pregunta nos tin e siguiente nr. di telefon disponibel:  
522-3676/ 522-3652/ 522-3653/ 522-3654

Nos ta pidi cooperacion di tur nos cliente pa no bin Censo, si no ta necesario. Keda pendiente di nos website y FB-page si tin cambio den e situacion. Danki pa boso comprension. Ban uni tur den e lucha contra transmision di Coronavirus!



Pabien pueblo di Aruba y pasa un

# Feliz Dia di Himno y Bandera



## Balie di Ministerio Publico cera te 31 maart 2020

E balie di Ministerio Publico ta cera for di ayera 16 di maart 2020 relaciona cu e esfuerzonan pa frena e virus di Corona. E medida aki lo ta valido en principio te 31 di maart 2020.

Ministerio Publico ta sigui traha, solamente cu nos balie (cu ta sumamente druk normalmente) lo ta cera pa dos siman. Boet y transaccionnan por wordo paga online. Tocante aplica online p'e Carta di Buena Conducta, lo sigui despues mas informacion.

Si e ceramento di e balie tin cu wordo extendi, anto nos lo percursa pa informa publico na tempo di esaki.

Preguntanan tocante pago di boet y transaccionnan, como tambe tocante pidi y busca e Carta di Buena Conducta por wordo haci telefonicamente entre 8.30'or y 11'or di mainta.

Cu preguntanan tocante boet y transaccionnan, Bo persona por yama 521-4142. Cu preguntanan tocante Carta di Buena Conducta, por yama tel. 521-4108 of 521-4110. Cu tur otro pregunta Bo persona por yama 521-4100 of 521-4135.

Corda cu por yama solamente den oranan di mainta te 11'or. Bo persona por mail tambe na [info@omaruba.aw](mailto:info@omaruba.aw) Boet y transaccionnan por wordo paga online via cuenta di banco 4000905 di Aruba-Bank. Bo persona ta yena riba bo app di banco, e suma cu mester paga, e P-nummer, e letter X (bao Factuurtype) y e ID di Bevolking di e sospechoso.

## Hisa bo Bandera y Canta nos Himno!

Felis Dia di Himno y Bandera di parti di Staff y Personal di N.V. Elmar.

### EN CONEXION CU CELEBRACION DI 'HIMNO Y BANDERA':

nos oficianan y departamento tecnico lo ta cera riba diaranson,

18 di maart, 2020



DEPARTAMENTO DI SERVICIO NA CLIENTE:

+297 523-7100 | CustomerService@Elmar.aw

Den caso di emergencia  
por yama libremente nos  
Departamento di Storing  
na 523-7147.

# For di dia 16 di maart 2020 DEZHI ta cera pa publico

Departamento di Asunto Economico, Comercio y Industria (DEZHI) ta informa tur su clientenan cu pa contribui na salubridad publico y minimalisa riesgo di contaminacion di COVID-19, nos departamento lo ta cera pa atende publico for di dialuna 16 di maart 2020.

No obstante e servicio lo continua, pero den un forma digital. Tur cliente cu mester entrega facturanan pa invoervergunning, lo haci esaki mandando e factura y formulario di Douane n'e email adres cu nan lo ricibi di nos. Nan lo ricibi nan documentonan bek digital cu stempel y firma.

Tur cliente cu no ta haci uzo di nos sistema di APPOINTMENTS via nos website, y cu kier haci peticion pa permiso pa negoshi, NO POR acudi mas na nos oficina riba diarason mainta. Nos ta atende cu peticion unicamente via appointments.

Tur cliente cu tin un APPOINTMENT via nos website [www.deaci.aw](http://www.deaci.aw), lo ricibi un email pa nan por manda nos e formulario yena y firma y tur documento via e mesun email.

Si documentonan ta completo, e cliente lo ricibi bek un email cu e notificacion di cuanto y riba ki cuenta por haci pago. Cliente mester manda e comprobante di pago via email bek pa por trata e peticion.

Ora permiso ta cla, cliente ta ricibi un email. Solamente pa busca permiso por pasa na oficina di DEZHI. Si bo ta malo of tin sintomanan, por favor autorisa un persona por escrito pa e por bin retira bo permiso(nan).

**NO TA ATENDE CU CLIENTE CU TIN SINTOMANAN.**



Directie Economische Zaken,  
Handel en Industrie

< < **CERA** > >



BANCO DI CARIBE

**ennia**  
Sinti bo sigur!

**NIBanc**  
NATIONAL INVESTMENT BANK

# Medida di Hospital Dr. Horacio E. Oduber na Aruba en coneccion cu infeccion di vírùs Corona



Feliz dia di  
*Himno y  
Bandera*

**LOTTO**  
Cambiando vida...

[www.lottoaruba.com](http://www.lottoaruba.com)

KRALENDIJK - Despues cu 13 di maart a bira conocí cu a tèst e promé dos personanan na Aruba positivo p'e vírùs Covid-19, Hospital Dr. Horacio E. Oduber a dicidí pa por lo pronto no aceptá pashènt di afó mas.

Pa prevení expansion, Hunta di Directiva hunto cu e 'Outbreak Management Team HOH', a dicidí pa for di e momento ey pone un paro electivo (pashèntnan cu ainda mester operá) na vigor, pa garantisá seguridad di su pashèntnan. For di e momento ey tambe lo no aceptá pashèntnan di afó tampoco.

Esaki ta nificá cu e Oficina di Cuido Médico (ZVK), na nòmber di Fundashon Mariadal, no por manda pashènt Aruba pa traslado médico n'e momentonan aki. ZVK y FM lo haci nan esfuerso pa bin mas rápido posibel cu un solucion p'e desaroyo aki.

ZVK ta comprendé cu esaki ta trece hopi inseguridad cuné serca pashèntnan cu tabatin un traslado médico pa Aruba plania. Nos ta pidi pasenshi y flexibilidad den e situacion extraordinario aki y ta confia riba bo cooperacion.

Pa pregunta tocante di bo traslado médico nos ta referí bo na bo dòkter òf specialista.

# Centro di Bario Brazil ta reconfirma cu celebracion "Dia di Himno y Bandera" a keda cancela

Directiva di CBB cu tur respect p'e situacion cu a presenta a tuma bon nota di e peticion di Gobierno cu a anuncia e yegada di coronavirus na Aruba y cu a participa cu tur actividad relaciona cu Dia di Himno y Bandera, ta cancela.

CBB ta pospone su celebracion y lo anuncia un otro fecha cu ta bay organisa diferente otro actividad den Bario.

Entre otro e bendemento di cuminda crioyo tambe e weganan pa mucha cu por bin hunga den cura di Centro di Bario Brazil. Y tambe e weganan di Domino etc.



## Obispado tambe ta sinti efecto di COVID 19



Obispo, Monseigneur Luis Antonio Secco a declara cu for di ayera 16 di maart, lo no bay tin servicio di misa y otro actividadnan religioso mas cu te na un otro aviso, pa motibo di e COVID-19 Corona Virus...Esey kier men, lo no por tin entierro tampoco?



# Papiamento y e derecho di autodeterminacion

Un instrumento esencial pa stimula e propio idioma y fortifica e identidad di un pueblo

Scirbi pa: © Quito Nicolaas



**PA** Aruba por a haya su Status Aparte den Reino Hulandes, e mester a haci uzo di su derecho di autodeterminacion. E derecho di autodeterminacion ta un derecho ancla den Ley Internacional, den cual ta otorga un pueblo e posibilidad pa persigui su propio desaroyo socio-cultural y politico-economico.

Cu e resolucion 1514(XV) adopta dor di e Asamblea General di Naciones Unidas, ta introduci un cambio y transferencia di e derecho externo p'esun interno di e drecho di auto determinacion. Den esey mester distingui e derecho di autodeterminacion interno for di esun externo.

Un ehempel di aplicacion di e derecho di autodeterminacion interno t'e caso di Sikhs nan na India. Debi cu nan ta un comunidad diferente for di esun Indio, cu nan propio historia, tradicion y cultura por lo pronto por haci uzo di e derecho interno.

Contrario na esaki conoce e derecho externo (independencia) cu no a ser otorga, debi cu esaki lo implica un kiebra di e territorio Indio pa por funda e ciudad Punjab como nan propio estado.

Den e caso di Aruba, apesar cu nos ta separa di e otro islanan dor di laman, a opta p'e derecho di autodeterminacion interno. Cu e escogencia aki a construi un fundeshi solido den Reino Hulandes y aplicando e derecho interno por traha y engrandecer e propio cultura na un forma social, politico y economico.

E base pa cumpli cu e derecho aki y pa tin relacionan amistoso entre islanan/paisnan, t'e respet mutuo cu mester tin pa cu otro.

Den esaki e terminologia cultura – como parti di e derecho di autodeterminacion – ta encera aparte di nos musica, folklore, custumbenan, tambe nos idioma, enseñanza y literatura.

**Papiamento**

Asina pues Aruba a haya su mes ta pensa – den cuadro di cultura – cu mester bin cu un Ortografia cu ta refleha e identidad di e pueblo.

Despues di a instala un Comision di Ortografia y hopi deliberacion cu nan conseheronan, Aruba a opta p'e ortografia Etimologico, cu ta sali for di e origen di e palabra. Y berdad ta ora un persona ta sinta wak un pelicula Spaño via p.e. Netflix, e por scucha hopi palabra cu nos conoce den Papiamento of alomenos ta deriva: acelera, cariño, cas, promesa etc. Ademasi evalua e palabranan inclui den e Vocabulario Ortografico di Papiamento, un mayoria tin un conotacion cu Spaño.

E hecho cu Aruba a opta p'e ortografia etimologico tabata uno strategico, den sentido cu den e continente Latino-Americano unda ta papia Spaño, e Papiamento ta facil pa lesa, compronde y comunica den dje.

Den esaki nos tin di pensa cu nos lo no keda mará pa semper na Hulanda, pues un dado momento nos tin di mantene relacionnan comercial y cultural-politico cu e paisnan aki, banda di esnan den Caribe.

Idioma ta un instrumento di e derecho di autodeterminacion pa expresa y duna contenido na e cultura y identidad di un pueblo. Como tal e ta un vehiculo esencial den e proceso continuo di construi un nacion. Di otro banda un idioma por sirbi pa mantene e structuranan colonial riba e isla, pero den esey e ta ser uza pa domina y controla e mente di e habitantenan.

E no ta manera antes den tempo di colonialismo cu ta domina e rikesa di un isla of den tempo di esclavitud cu ta apropiá e individuo. Awendia ta bay pa colonisa via mente y consciencia,

mientras aceptando un otro idioma – cu no t'esun indigena – ta nifica cu lo acepta e cultura, normanan y ideologia di e idioma cu ke domina.

E discusion na Aruba ta un ehempel clasico, con e oponentenan ta construi argumentonan pa bagatalisa y stigmatiza nos Papiamento. Lubidando e balor cultural y e fortificacion di identidad cu esaki ta pa nos hobennan y generacionan den futuro.

## ORTOGRAFIA

E caso di Aruba por ser ilustra cu desde añanan '70 cu tabata lucha pa un Status Aparte, e gobernantenan a haya nan mes ta pensa over di e cuestion di idioma. N'e momentonan aki e islanan ABC conoce dos otrografia, esta esun Fonologico y Etimologico. E idea ta cu lo mester bin un solo ortografia y ya caba tin un protocol p'e islanan traha y coopera cu otro pa yega n'e meta aki.

Mester apunta aki cu apesar cu na 2018 a firma un protocol entre Aruba y Corsou, no ta conoci p'e publico e locual a ser logra te aworaki ni tampoco e puntonan riba cual ta diferencia di opinion.

Den esaki e aspectonan linguistico no t'e unico cu mester tene cuenta cu ne, pero tambe esnan politico y economico. Tin manera un silencio hermetico den e asunto aki y ta rekeri cu mester bin mas transparencia den e asunto aki.

Di otro banda nos mester tene bon cuenta cu e generacionnan cu lo sigui studia den exterior. Na Merca estudionan haci a comproba cu studiantenan di Caribe, unda conoce e creol-English, tin dificultad cu e bukinan na Ingles cu ta uza na Universidad. Consecuentemente nan ta haya nan mes confronta cu hopi problema durante nan estudio. Y tur esaki ta desperdicio di talento, unabes cu e studiantenan no keda cla na tempo cu nan estudio pa regresa nan isla pa duna un man.

Na Corsou FPI a haci un investigacion na 2010 bou di alumnonan di Peter Stuyvesant College, Maria Imaculata Lyceum y Radulphus College y mayoria di e hobennan ta haya e ortografia fonologico dificil.

*Sigui na otro pagina >>*

## LOGRONAN

For di 1976 Bestuurscollege di Aruba a instala un Spellingscommissie pa despues na 1984 stipula e Ortografi di Papiamentu, mientras pa desaroya material, stimula uzo y proteha Papiamentu a institui na 1986 e 'Instituto Linguistico Arubano'. Den e decada di añanan '80 practicamente mucho no a ser haci riba tereno di enseñanza y a uza e periodo aki pa prepara pa un siguiente fase. Y asina den añanan '90 a cuminsa cu diferente curso di tercer grado di Papiamentu, mientras na 2002 a inicia na 'Instituto Pedagogico Arubano' cu esun di dos grado.

Na aña 2000 a keda cla cu e Gramatica di Papiamentu, y na 2003 Papiamentu cu su ortografia etymologico a bira e idioma oficial pa despues a revisa y completa e ortografia na 2005.


E mesun aña di 2003 a cuminsa cu un curso adicional di Papiamentu na nivel di bachelor. Alabes entrante di augustus 2003 a introduci Papiamentu den enseñanza secundario na scolnan di EPB, MAVO, HAVO klas 1-2-3, VWO klas 1-2-3, EPI y IPA. Desde aña escolar 2015-2016 Papiamentu ta ser duna como materia den e klasnan di HAVO-4, VWO-4 y awendia ta un materia di examen pa Havo-5 y VWO 6.

Pa duna Papiamentu como materia na scolnan a desaroya e metodo 'Cristal'. Asina pues Papiamentu ta ser uza den 3<sup>e</sup> klas como idioma di instruccion y como materia banda di Hulandes, Spaño y Ingles.

Na 2008 a introduci enseñanza multi-lingual na dos scol basico como proyecto-piloto, pa evalua e resultadonan y efecto di uzo di Papiamentu den enseñanza. Como un di e logronan mas grandi por considera e introduccion di e Vocabulario Ortografico di Papiamentu na 2009, cual actualmente mester ser revisa y agrega mas palabra.

Un 'Manual di Gramatica di Papiamentu' (morfologia) a keda introduci na 2010, mientras na 2015 a publica e 'Manual di Gramatica di Papiamentu' cu ta trata e sintaxis, esta e estructura di un frase.

Un prome grupo a sigui na 2013 un estudio di 4 aña na Universidad di Corsou pa ricibi un grado academico como docente di Papiamentu.



Lamentablemente cu p'esnan kende a inicia e estudio aki, Ministerio di Enseñanza no a tene cuenta den nan planning unda tur por incorpora e graduadonan aki, sea ta riba tereno di enseñanza, maneho, investigacion of management.

## CULTURA

Desde añanan '70 por mira cu cierto tradicion y celebracionnan cultural, manera Dera Gai y Dandé a bolbe haña bida. Anualmente e celebracionnan aki ta tuma lugar y a expande riba nivel di demas bario. A bin algun festival acerca, manera e.o. e 'Festival di Canto' y 'Festival di Cancion Tipico', pero riba nivel di teatro tambe por dedica mas atencion.

Na Brazil e 'Fundacion Bernadina Growell' ta organisa diferente actividad, cual por sirbi como un ehempel p'e otro barionan organisa.

Loke ta haci falta den esaki ta investigacion antropologico-cultural den e barionan, pa por haya sa mas di e forma di biba y di cierto costumber cu ta caracteriza cada bario.

E proyecto 'Expedicion Rescate' ta un bon inicio pa conduci investigacion di nos historia oral, pero mester enfoca tambe riba estudionan socio-cultural cu un base geografico. Mester traha na un proceso pa cada bario tin su propio identidad, unda esaki ta keda refleha den e costumber y forman cultural expresivo. Esaki ta nifica cu den cada bario mester tin un monumento, caminda nan ta honra nan baluarte.

Apesar di e desaroyonan describi, tin cierto incongruencia cu mester señala.


Si un banda ta duna contenido n'e derecho di autodeterminacion dor di stimula procesonan cultural den e barionan, cu esaki so e clima-cultural no ta completo.

Tin un maneho pa monumento y museonan, pero ainda no tin un trayecto di estudio avanza pa esnan cu ta desea di haci investigacion of traha riba nivel di management. Of cursonan cortico p'e taxista, empleada di hotel, guia, touroperator of empleado di museonan cu ta traha cu turista of esnan local..

E mesun fenomeno por ripara den enseñanza, esta cu a introduci Papiamentu na scol y hasta ta un materia di examen na scol secundario, pero ainda historia, nos herencia-cultural y literatura Arubiano cu mester carga e Papiamentu no ta un materia na scol.

Despues di Status Aparte diez Gobierno a sinta den e periodo di 1986-2020 y hopi proyecto a ser entama, sin embargo riba tereno cultural-educativo por logra mas.

Pa duna realce n'e derecho di autodeterminacion ta spera cu e Ministerio di Enseñanza sinta na mesa cu e directiva di SMOA y SKOA pa delibera con ta bay adapta e curriculum y introduci p.e. Historia di Aruba y Literatura Arubiano como materia y sirbi como un instrumento pa fortifica identidad di e pueblo.



# DEN SOMBRA DI ARUBA



Mi stoel di zoya for di mi bista tapa cu e anker di ayera  
 Su cushinchi cu no por reemplaza e scochi di mi Mama  
 Mi wela ta pasa controla e bentananan di palo di su cas  
 E ta papia den su mes, cu su Dios, of talbez cu e famia cu nan a caba di dera...  
 Pa e sosega na paz.....

Den nos dushi biento fresco mi ta tende nos hymno "Aruba dushi tera"  
 Den mi idioma Papiamento hestrooi fertilmente den cunucu di zuid  
 Mi lenga materna , un crenchi machika y muha ,a slip subi pasa bula e trankera  
 E di ." Ami si , hamas boso lo dera" Ni na morto ni na bida, ni maske boso fluit

Den sombra gasta Shon sepelin, debchi y doria ta canta dande bao pali'kwihi  
 Den carnaval e plumanan geel preto y cora di "Dera gai" ta keda bula fini fini  
 Confetti di salo di lama plama riba nos baranca bendiciona  
 Ki dushi ta e sopi carne cayente pica di Mamai  
 Mi lenga ta fula cu un sunchi dushi riba e bolo di funchi  
 Tur cos tin su tempo , tur cos ta bin bay  
 Cabritonan hevlek tribi ta pasa keiro come den cura di hende  
 Djalew bo ta tende hendenan ta bende  
 Pisca fresco na mochi , Pipanan di koper y piezanan di auto horta

Dolor na curason , pero cu fe y speranza  
 Cu lo stop cu e cosnan di mal chansa  
 Cosnan cu sa pasa pa motibo di hamber of amor pa cos den bida  
 Mi bista ta bora e tram su zonido di progreso den turismo  
 Nos isla su cultura ta bibo !!!E ta hala rosea !!  
 Gobierno ta traha serio, alivia nos situacion  
 Tur por aporta di curason den cada profeshon  
 Nos monumentonan historico den nan frescura y fragancia  
 Inspira pa nos fofoti,kadushi,tuna y aloe cu nan elegancia

Den spiel di mi alma mi a wak patras  
 A tene man cu ayera, sin puntra, keha of yora di mas  
 Alegria ta drenta mi mente, mi alma y mi curpa cu un dushi wals, danza y tumba  
 Corona cu e baile di sinta floria den tur e colornan di nos bandera  
 Ki bunita scoutnan y muchanan di scol ta canta nos Aruba dushi tera !!!  
 Mi a pasa man pa mi lipstick, penja cabe, prepara pa sali y goza  
 Ora cu holor di pan bati a dal mi, mescla cu e holor di mi perfume di roza  
 Mi no tawata drumi, mi no tawata cabisha ,mi tawata den firme alianza.  
 Cu cosnan bunita, chikito, simpel pero impactante asina dushi di mi hubentud y mi infancia.....

Ruthy"Lady Ruth" Vrieswijk-Bergen



# Ta bolbe habri 'Cold Case' encuanto morto di un mucha muher di 19 aña

WILLEMSTAD - Polis y Ministerio Público ta anunciá cu lo bolbe habri un asina yamá 'Cold Case'. Den e caso aki ta haci peticion pa yudansa na pueblo di Còrsou y lo otorgá un recompensá di Naf. 10.000,- p'e tip(nan) di oro cu lo hiba na solucion di e caso aki.

Ta trata di caso di morto di un hobencita di 19 aña, Rayziënne (Raiza) Scoop.

Den e madrugada di 31 di decèmber 2011 pa 1 di janüari 2012, el a bandoná cas di su frei y despues di esey tabata pèrdi pa un tempo largo. Dia 19 di maart 2012 a haña un curpa sin bida den mondi na Playa Canoa.

Pa medio di investigacion di DNA na encargo di NFI na Hulanda finalmente a determiná cu e curpa tabata trata di e damita di 19 aña Raiza Scoop.


E tempo ey, na 2012, despues di investigacion Polis a haci mas detencion y a scucha testigonan. Sinembargo, dado momento e investigacion di Polis a pega y no tabatin suficiente prueba pa por a hiba un persona Corte relacioná cu e morto di Raiza Scoop.

Depsues cu recientemente Polis a analisá algun dossier cu casonan di asesinato bieu cu no a keda solucioná, a dicidí den consulta cu Ministerio Público di scoge p'e caso di Raiza Scoop y habri bèk e investigacion. Esaki mirando e seriedad di e caso, den cua e edad hóben di e damita naturalmente a hunga un ròl y e hecho cu – despues di análisis – tòg a bin topa cu cierto punto cu ta útil pa mas investigacion.

Banda di esey, husticia ta spera aworakí tambe riba e yudansa di pueblo y p'e motibo lo duna un recompensá di Naf. 10.000,-

E peticion na personanan cu tin informacion tocante e desaparicion y/of e morto di Raiza Scoop, caminda cualkier detaye ta bonbiní, ta pa tuma contacto mas pronto posibel cu Polis riba e number di telefòn: 108.



 <p>Algemene Ziektekosten Verzekering</p>	<p><b>SERVICIONAN DI AZV ADAPTA</b> EN CONEXION CU CORONA VIRUS</p>	<p>16 maart 2020</p>
<p>Relaciona cu e situacion di Corona virus na Aruba AZV a adapta su manera di atende publico. Pa evita cu e virus sigui plama mayoria di personal di AZV ta trahando for di cas. Nos kier enfatisa pa <u>bin solamente na e oficina di AZV si ta echt necesario</u>. Nos a traha proceduranan nobo pa diferente servicio por wordo duna via telefon y email. Por favor haci uzo di esey!</p> <p>AZV lo duna servicio manera cu e lista aki bou ta indica for di 7:30 te cu 16:00. Tur documento mester wordo manda via <a href="mailto:klantenservice@uoazv.aw">klantenservice@uoazv.aw</a></p>		
<p><b>Inscripcion</b></p> <p>Manda copia di un identificacion (paspoort, ID of rijbewijs) via e siguiente emailadres: <a href="mailto:klantenservice@uoazv.aw">klantenservice@uoazv.aw</a> Manda bo number di telefoon, pa si AZV tin cu tuma contacto cu bo persona. Documento necesario pa yena ta riba website di AZV (noticianan ultimo)</p>		
<p><b>Inscripcion di un recien naci</b></p> <p>Manda copia di un identificacion (paspoort, ID of rijbewijs) via e siguiente emailadres: <a href="mailto:klantenservice@uoazv.aw">klantenservice@uoazv.aw</a> Manda bo number di telefoon, pa si AZV tin cu tuma contacto cu bo persona. Documento necesario pa yena ta riba website di AZV (noticianan ultimo)</p>		
<p><b>Inscripcion di un recien naci cu permiso</b></p> <p>Manda copia di un identificacion (paspoort, ID of rijbewijs) via e siguiente emailadres: <a href="mailto:klantenservice@uoazv.aw">klantenservice@uoazv.aw</a> Manda bo number di telefoon, pa si AZV tin cu tuma contacto cu bo persona. Documento necesario pa yena ta riba website di AZV (noticianan ultimo)</p>		
<p><b>Prolongacion di e Zorgpas (kaarchi di AZV)</b></p> <p>Manda copia di un identificacion (paspoort, ID of rijbewijs) via e siguiente emailadres: <a href="mailto:klantenservice@uoazv.aw">klantenservice@uoazv.aw</a> Manda bo number di telefoon, pa si AZV tin cu tuma contacto cu bo persona. Documento necesario pa yena ta riba website di AZV (noticianan ultimo)</p>		
<p><b>Prolongacion di e Zorgpas (kaarchi di AZV) a base di permiso</b></p> <p>Manda copia di un identificacion (paspoort, ID of rijbewijs) via e siguiente emailadres: <a href="mailto:klantenservice@uoazv.aw">klantenservice@uoazv.aw</a> Manda bo number di telefoon, pa si AZV tin cu tuma contacto cu bo persona. Documento necesario pa yena ta riba website di AZV (noticianan ultimo)</p>		
<p><b>Cambio di dokter di cas</b></p> <p>Via di bo dokter di cas di preferencia</p>		
<p><b>Contacto</b></p> <p>Pa tur otro pregunta por tuma contacto via e siguiente numbernan: 5279972 of 5279996.</p> <p><a href="http://www.azv.aw">www.azv.aw</a>   <a href="https://facebook.com/AZVAruba">facebook.com/AZVAruba</a>   <a href="mailto:info@azv.aw">info@azv.aw</a></p>		

## Royal Aurora

Funeral Home & Crematory

"Dios ta amor... y amor ta Dios,  
maske mi no ta na e mundo aki, tur dia lo mi ta banda  
di boso Curazon, mi por stens di loke Señor ta hasi"  
Salmo 33

Agradecido pa loque e la significa pa nos y conforme cu  
Dios su boluntad nos ta participa fayecimento di nos  
esposa, mama, ruman, tanchi y nana



**Catharina I. Tromp**  
Mihor conoci como: "Arina"

Acto di entierro lo wordo anuncia despues.

## Royal Aurora

Funeral Home & Crematory

### Gradicimento y invitacion

Na number di suyu nan, nieto nan y bisanieto nan y  
demafamianos kier a gradici tur esnan cu di un manera  
of otro a duna nos sosten durante enfermedad,  
fayecimento y entierro di nos mama stima:



**Sra. Imelda Feliciano Tromp**

Un danki special na:

- Meta Corp y Ecotech Aruba
  - Dr. Dave Lacle
  - Personal di Dr. Horacio Oduer Hospital piso B4
  - Michael van de Poel, Carina Tromp-van de Poel y Ivania Tromp
- Tambena Aurora Funeral Home pa nan bon servicio.

Alavesnos ta invita tur famia y conocir nan pa 3 Santo  
Sacrificio di Misa, cual nan lo tumalugar:  
Diamars 17 di maart 2020, diahuebs 19 di maart 2020 y  
diasabra 21 di maart 2020 pa 7'or di anochina Misa Santa  
Filomena naParadera.

40 hende ta sospechoso....

# Turistanan sospechá di ta infectá a sana y a retorná nan pais caba



WILLEMSTAD - Ministerio di Salud ta monitoria 40 hende y e periodo a pasa sin cu nan a bira malo. E manera cu ta isola hende ta cuadra cu manehonan stipula cu regla internacional. Dr. Gerstenbluth a splica cu Còrsou no ta inventando wiel di nobo, pero ta siguiendo e liña tradicional. E vocero di e crisis a bolbe enfatisá cu ta gota di tosamento y niester ta causa infeccion.

Mester tene distancia di dos of mas meter y hende cu ta den isolacion por sinta riba su porch basta no tin hende den becindario.


Ta via gota so e malesa ta plama y ta cierto distancia so e por 'travel'. Si bo mira hende ta tosa, keda leu. Esey no tin di haber cu Corona sino cu cualkier malesa cu ta infecta via nies-termento.

Còrda laba y no mishi cu tur cos. Laba man pa por lo menos 20 secònde. Esey t'e mensahenan mas importante. Pa bisa e cos mas simpel: Un hende infectá mag sinta riba porch su só sinta wak laman.

## Royal Aurora

Funeral Home & Crematory

### GRADICIMENTO / INVITACION



**Sra. Florentina de Cuba-Brete**  
\*22-12-1936 – †09-03-2020

Pa medio di esaki nos kier a gradici tur esnan cu a  
mustra atencion y a duna acto di presencia durante  
condolencia y entierro di nos difunto stima. Boso  
palabranan y atencion tabata un gran consuelo pa  
nos. Nos palabranan di agradecimento pa Pastoor Totti pa  
su bunita response, pa sr Max Hassell pa subunita  
musica durante entierro.

Un palabra di gratitud ta bai na Stichting Wit Gele Kruis  
cu a yuda nos cuida nos difunto stima durante su  
enfermedad.

Y por ultimo un danki na Aurora Funeral Home pa nan  
bon servicio.

Lo bai tin tres Santo Sacrificio di misa, dianan 17, 19 y  
21 di maart 2020 pa 7or di anochi na misa Santa  
Filomena na Paradera.

Famia de Cuba-Brete.



Apreciable famia y conocirnan,

Nos ta aprecia boso presencia,  
Pa motibo di e situacion di Corona Virus nos kier pidi  
boso comprencion y cooperacion pa yuda nos tur pa no  
propaga esaki.

- Nos ta pidi un y tur pa hasi uso di e alcohol  
destina pa destinfecta man.
- Nos ta laga nos evita tur contacto fisico di  
brasa y cu sunchi.

Laga nos tur tene otro safe.

Di antemano masha danki pa e comprencion.

Cu nos Bon Dios protegay cuida nos tur.

# Pasaheonan Curasoleño a cuminsa retorná for di Hulanda diasabra

## Royal Aurora Funeral Home & Crematory

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Cu dolor na nos curason,  
nos ta anuncia fayecimento di nos ser stima:



### Sr. Jozef Leo Geerman

Mihor conoci como "Leo"  
\*28-06-1947 - †12-03-2020

Na nomber di su:

Mayornan: † "Wawa" Geerman y † Johanna Geerman-Croes

Rumannan:

Nichi y Buchi Arends

Ciro y Corrie Geerman

Susie Geerman

Eddy Geerman

Ruben y Carrie Geerman

Vda. Esmerealda Hernandez-Geerman

Vivian y Eddy Lee

Sobrino y sobrinanan:

Randy y Beatriz Arends y yiunan

Ricky y Tatiana

Rosie Arends y yiu

Marc Arends y yiunan

Ramon Geerman

Malou Geerman

Erin Geerman

Alex Geerman

Matthew Lee

Tanta: Mani v/d Linden

Primo y primanan, amigo y amiganan, bisiñanan y conocirnan

Miembronan di Coro Inmaculada Concepcion

Ex-miembronan di Grupo di Baile Folklorico Santa Cruz

Ex-coleganan di Maduro & Sons

Demas famianan: Geerman, Croes, Arends, v/d Perk, Van

Gelder, Hernandez, Lee, de Cuba, Schwengle, Solognier

Ta invita pa acto di entierro lo tuma lugar diahuebs 19 di

maart 2020 na Misa Inmaculada Concepcion na Sta Cruz.

Nos ruman stima lo reposa di 2'or pa 4'or den misa.

Despues lo sali pa Santana catolico Santa Maria na Sta

Cruz.

Bo(so) atencion na nos ruman su despedida lo ta altamente aprecia.

WILLEMSTAD - Durante e 'briefing' cu dr. Gerstenbluth a tene diadomingo merdia, tambe tabata presente Minister Zita Leito, pero e por a bien keda cas, pasobra ta mesun informacion cu el a duna diasabra el a referi na dje.

Den e buelonan di KLM y Tui a yega 59 pasahero cu ta hendenan cu ta residencia na Còrsou.

Ayera tambe tin pasahero ta yega for di Amsterdam pa hiba pasahero Hulandes Hulanda bèk.

Loke e Minister a bisa ta kico lo pasa y no ta residencia na Còrsou lo manda nan bèk.

Tur pasahero cu kier bin Còrsou mester percursa pa nan tin nan documentacion al caso.

Eugene Rhuggenaath como Minister di Enseñansa a ripiti informacion cu el a duna for di diabierna tocante team di crisis pues nada nobo.

## Servicio di Arutram N.V. suspendi



Arutram N.V. mediante su Director, ta informa cu den cuadro di e situacion di Coronavirus e siman aki servicio di tram lo ta suspendi.

Entrante dialuna otro siman, despues di adaptacionnan interno, siguiendo cu e conseho y proceduranan necesario, nos servicio lo wordo resumi.

Por favor, tene na cuenta cu e decision aki por wordo adapta na cualkier momento.

Fraccion AVP

# Ban cumpli cu nos responsabilidad civil y yuda otro como famia

**DEN** historia di nos pais, semper e pueblo Arubiano a para hunto y fuerte contra cualkier situacion dificil poni nan dilanti. Awe un biaha mas nos pueblo tin cu para firme contra di un adversidad di mas serio cu nos a yega di conoce cu ta carga e nomber di coronavirus (COVID-19).

Un reto mundial cu no ta keda sin afecta nos. Miyones di hende ta luchando contra di e virus aki tratando di minimalisa y contene su efecto den cada sociedad.

“Den momentonan dificil manera esun cu nos ta pasando aden, ta corecto pa nos tur pone atencion na loke expertonan ta avisando henter comunidad, sigui nan instruccion y conseho pa asina evita expansion y contagio di e virus aki,” lider di fraccion sr. Marlon Sneek a declara den nomber di fraccion di AVP.

For di diabierna Gobierno di Aruba a bin ta informando comunidad riba e diferente accionan cu a tuma lugar, entre otro, distanciamiento social, hygiene y evita aglomeracion. Expertonan a duna hopi informacion y a informa pueblo riba medidanan di precaucion cu mester a tuma.

Esakinan ta alcanza un limite cu nunca antes nos a conoce aki na Aruba, pero cu ta medidanan sumamente necesario n’e momentonan aki pa evita un escalacion di e virus aki.

Por surgi situacionnan cu no ta mucho alentador riba plano laboral. Ta reina un incertidumbre hopi grandi den sector turistico, principalmente den e mundo hotelero, cu t’e base di e pilar principal di nos economia.

Empleadonan cu ta mira cambionan di cerca, pero nan no sa kico futuro lo spera nan. Tambe trahadornan independiente y empresanan mediano y chikito cu ta e wes’i lomba di nos economia.

“Como fraccion di mas grandi den Parlamento di Aruba nos ta haci un yamado na ciudadanía pa cumpli cu nos responsabilidad civil den esaki. E sacrificio cu ta wordo exigí ta sin precedente pa nos bida diario: no laga pa e ta en vano,” sr. Sneek a bisa.



Fraccion di AVP ta sigui comprometi tumando contacto y dunando informacion valioso y necesario na comunidad, supervisando henter e proceso implementa pa Gobierno, caminda interes di tur hende tin cu wordo tuma na cuenta.

Den e momento dificil aki, mi persona como tambe henter fraccion y partido di AVP, ta urgi un y tur pa traha hunto, pa tira bista riba otro, percura pa sigui instruccionnan pa proteccion personal y di higiene. Ban cuida e gruponan cu ta mas vulnerabel den nos comunidad, esnan cu tin menos proteccion y duna un man caminda cu tin mester.

Na mes momento ban carga nos responsabilidad cu seriedad: evita na plama informacionnan cu no ta corecto den comunidad, creando ainda mas panico cu ya caba nos conoce.

“Na tur esnan cu ta labora den cuida medico y orden publico: danki, forsa y perserverancia. Hunto manera semper e pueblo di Aruba a demostra, nos lo supera e contratiempo aki y nos sali miho for di dje,” lider di fraccion di AVP, sr. Marlon Sneek, a declara.



# AWEMainta

E unico corant GRATIS



## Abona awo

Manda un e-mail na:

[Noticia@awemainta.com](mailto:Noticia@awemainta.com)

y skirbi e palabranan: *"Ami Kier Abona"*

## Like nos riba facebook

Keda "up to date" y like nos riba facebook  
[www.facebook.com/awemainta](http://www.facebook.com/awemainta)



## Subi riba nos website

[www.awemainta.com](http://www.awemainta.com)

AWEMainta completamente

# DIGITAL